

آبونه شرائطی

سالک عثمانیه ده سالکی (۶۵)، الق
ایلو (۲۵) غروندر .

سالک اجنبیه ده سالکی (۱۷)، الق
ایلی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی بشندر .

§

مملکه موافق آثار مع المحتویه قبول
اولنور . درج ایله یازیلر اعاده
اولونماز .

سریلینک

۱۳۳۰

دینی ، فلسفی ، علمی ، ادبی ، سیاسی هفته لق مجموعه اسلامیه دره

والله یهدی من یشاء الی صراط مستقیم

صاحب و مدیر مسئول : اشرف ادیب

اتبعون اهدکم سبیل الرشاد

عدد ۲۷۶

۲۶ محرم ۱۳۳۲

پنجشنبه

۱۲ کانون اول ۱۳۲۹

جلد ۱۱

اخطارات

رساله مزین آلمدیخی کو - ترمک شرطیه
بتون یازیلر هر هانکی برهفته طرفمان
اقتباس اوون ییلیر .

§

مکتوبلرک، اعطالرک واضح و اوقوتناقی
اولمسی و آبونه صره نومروس محترمی
بولونمسی لازمدر .

§

ممالک اجنبیه ایچون آبونه اولالمرک
آدرس لریشک فرانسجه ده یازلمسی ریحا
اولنور .

§

پاره کوندرلدیکی، ان تهیه دتر اولدیغینک
واضعا ییلدیریلمسی ریحا اولنور .

ایاقری آتندہ چیکندہ ، وغصب اولوندی ، یاریم میلیون فضلہ قالدین ، آرکک ، کنج ، اختیار معصوم دین قارداشلریمز صایب نامہ قودوران بالقان جانورلری طرفندن پک شیخ ، پک فجیع برصورتده بوغازلاندیلر ، دیری دیری آتشاره آتیلدیلر ، کومولدیلر ! . . . بو قدر ضایعات کافی کلمهش کبی دست اجل بو بیچاره امته خامه قدرت وعرفانلریله خدمتی اجل وظائف بیلن علما و فضلامزدده بر قاجنی چکوب آلمشدی . اونلر هپ او غیر قابل تلافی ضیاعلردن دیکیمی ایدیلر ؟ . . .

فلاکت فلاکتی تعقیب ایدهرمش ! .

أوت ، قرق بیلدنبیری دائماً آرتان بر غیرت ، بر عشق ایمان ایله بوتون عالم اسلامه هپ سلامت و حقیقت نور و تخماری صاحبش واک بو یوک ذوق روحی نی بو اوغورده اوغراشمقدن آلمش برنجم فیضبار داها سوندی ، کیتدی ! . . .

بو کون ، بکار بکی جامع شریفنده نازی قیلینان حاجی ذهنی افندی مرحومک نعش مغفرت نقشی شو دقیقه لارده ماعلمر ایچنده چینلایان خانه سی جوارنده کی قبرستانده احضار ایدیان خاطره سنک سینته پرسکوننه تودیع اولوندی ؛ روحی پک سودیکی پیغمبرینه ، الهنه قاووشدی ! . حق ، اوکا غنی غنی رحمت ، کدریده افراد عائله سنه ، غیبوتندن جداً متأثر اولان تلامذه عرفانه صبرلر احسان ایله سین . . .

بن استانبولده بیودیکم حالد حاجی ذهنی افندی نامنی هیچ دویماشدم ، مع التأسف دو یورانده اولمامشدی .

۳۲۰ سنه سی طرزونده عریجه او کرکک هوسنه دوشه رک بر صرف ونحو ایدینکک قالقیشمشدم . دائماً آلیش ویریش ایتدیکم برکتاجینک کیرلی جامکانی ایچنده توزلره باتمش برکتاب کوزیمه ایلشمش ایدی ! المنتخب . . .

کتاجینک ایسته دیکي پاره نی ممنونیتله ویره رک کتابی آملقله زوحمک نه بو یوک برعطش عرفاتی تطمین ایتش اولدیم ! . . .

چوق کچمه دن المقتضبلر ، الحقائق لر ؛ نعمت اسلام کلیات قیسه سی ، القول جید ، مشاهیر النساءلر بنم ایچون توکنمز برر خزیننه تتبع واستفاضه اولمشلردی .

ایشته بن مغفور مشارالهی رهبری طالعماه ایدیندیکم شو معظم ، لایموت اثریله طائیش ایدم .

مرحوم بنم اک زیاده سودیکم بر استاد ، بر معلم عرفان ایدی . «کنزالحکم» نامیله طبع ونشر ایتدیردیکم منتخباتده کی احادیث شریفه نک برچوغنی مشارالیه ترجمه ایتشلردی . حاجی ذهنی افندی ، نه قدر متواضع ومحوینکار ایدیلر ! . . .

بش آتی آی مقدم صوفیه دن مرحومه بر مکتوب تقدیم ایله مشدم . جوهرجان کبی صاقلادیفج جوابنامه حکیمانلرینی عیناً آتی یه درج ایدیورم :

اوغلم حافظ ابراهیم افندی

صوفیه دن یولادیکنز مکتوبی تاریخندن برهفته صکره آلمم . حیانتکزه سویندم ؛ اسارتکزه یزندم . اهل اسلامک بوسفرکی صیبتی تصور خارجنده در . مولای متعال انجای خیر المسون . دامادم دو قنور بیکباشیسی رفعت افندی بدایت حربده کی سفالنه وانک دامادی یوزباشی خلیل افندی دشمن قورشونیه شهیددرلر . ایکسی دخی متین واهل دین کیمسه لر ایدی . مولی غریق رحمت ایتسون . دین اسلامک عناصر غیر مسلمه نی حمایه سی انلرک حین فتحن بو آنه قدر ممالک زده موجودتیله مثبتدر . اسپانیانک اهل اسلام انندن چیقیمی واستانبولک اهل اسلام الله کیمسی بر زمانه تصادف ایتمشدر . اوراده بر مسلم قانامش وقاللرده آتشاره یافلمشدر ؛ بوراده ایسه یزلیله برچوق اسپانیا مهاجری یزدیلر وآسیا دوشکونی ارمنیلر منضم اولمشدر . سلیم اولک استانبول وروم ایلی خرسیتیانلرینی اسلام ایتک ایچون قتل تشبندن زنبیلی علی افندی نامنده کی مفتینک ممانعتی منع ایتمشدر ، که ذمت اسلامی قبول ایدوب جزیه ویرن رعیه قتل اولنه ماز دیتمشدر . مقتضای حکم شرع دخی بودر . (.)

« اما بذلوا الجزية لتكون دماؤهم كدمائنا واماوالم كماوالنا » بیور . لمشدر ، که انلر یعنی ملل غیر مسلمه قانلری قانز وماللری مالز کبی اولق ایچون بذل جزیه ایتدیلر ، دیکدر . دولت اسلامیه رعیه اولوب جزیه سنی ویرن غیر مسلم (ذمی) نامنی آیر . ذمیلر بزجه مستامنلردن یعنی دول اجنبیه تبعه سندن اولوبده ممالک زده موقتا بولنالردن ممتازدرلر . (موقتا دیورم ، که اجنبیلر ممالک اسلامیه ده برسدن زیاده طورده مامقله وطوره حق اولورلر ایسه ذمی اولقله مکلفدرلر .) بر ذمی بی بغیر حق قتل ایدن بر مسلم قصاصاً قتل اولور . بر ذمینک مالی سرقت ایدن سارق مسلمک انی کسایلر . قرآن کریمده « ان النفس بالنفس الخ » قول کریمی مطلق وارد اولمشدر . مسلم شریطک تصحیح وتحشیه سی بنده کزی ایجه مشغول ایتکده اولدیغندن بوندن زیاده یازامدم . بلرائع وفتح القدیر ومجر رائق وبتیین حقائق کتب فقویه مزک مطبوع ومعتبرلرندندر .

۲۵ مایس سنه ۱۲۲۹ محمد ذهنی

بشکطاشدن : حافظ ابراهیم

ینه حیفاکه سینه وطنی بر ضایع مؤثر اینجندی ؛
ینه بر فاضل یکانه سنی علم و عرفان جهانی غیب ایتدی .
صوک زمانلرده عالم اسلام نه مهم ضایعات ایله ییتدی ؛
دوشدی بر نوخسار ، معرفته حاجی ذهنی افندی ده کیتدی .

۱۳۳۲

عدنه پرواز ایدن اوروح کزین بولسون اعلی المراتبی آمین .

طاهر المولوی

تذکره علمیه

دارالفنون اسلامی

مدینه منورده شهرک خارجنده باب الشامی جهتنده کی داود باشانک وقف باغچه سی دروننده انشاسی مقرر اولوب بیک اوچوز او توزایکی سنه هجریه سنک برنجی کونی (جمعه ایرتسی تشرین نانی ۱۶) وضع اساس رسمی اجرا ایدیان دارالفنون اسلامینک نظامنامه اساسیسی :